



Ovanafikola 663 va itavelelwa kovadali okukala momaumbo ngeenge okamba itai di po

OHANGWENA, OWAMBO: Ovadali moshitukulwa shaUkwanyama ova ninga etokolo ngaashi omunhu umwe, ounona wavo u ha tewe mo momaumbo u ye kofikola ngeenge okamba yovapolifi oi li natango monghulo nofikola. Etokolo eli ola pewa okomitiye yovadali i li fikife diva komalenga aUwakanyama.

Oshoongalele shovadali osha li ko mOhangwena 28.3.1988 momunghandjo wofikola Ponthofi, oyo pefimbo lshoongalele ounona ve li komaumbo avo. Ounona ova fiile po ofikola oyo 18.3.1988 nelaleko kovalongi vavo kutya vo itava ka longifa vali ofikola oyo, fimbo okamba yovapolifi inai tembuka po, kutya nee oshi pule eedula ngapi.

"Fye ounona vetu eshi va fika komaumbo, inava hokolola owii wovalongi, vo inava hokolola tava fi ondjala mofikola ile onghai, ndele otava lili ashike ounbada wokamba oyo i va li popepi nohai va monifa oiponga.

"Fye yo ovakulunhu vounona twa loloka okulila eenghali dounona vofikola, oyo, onghee ihatu ka ta vali ounona vetu tu va findile kofikola fimbo okamba inai dja po," osho omudali umwe a fikama ta popi, moshoongalele ye ta nyamukulwa kuvakwa nepwakelo lomake.

Ovadali tava tengenekwa po 250, ova li moshoongalele osho. Omufitaongalo Jason Haufiku oye kwa li a hoololwa a ninge omunashipundi novafita, Philipus Haulofu naOnesimus Shanyengange ovanyoleli.


Oshoongalele sholudi eli osha ningilwe yo 1987, oikando ihapu nokuli, okukundafana etemba lokamba. Oshoongalele shaxuuninwa osha li ko muAguste 1987 omo yo ovadali kwa li va twa kumwe okamba i tembuke po.

Ndjai Dolf Gous komadiladilo ovadali omudo winya okwa popile kutya, oshiwa ngeenge ovadali oshinima shedjepo lokamba tave shi kundafana nepangelo lopokati. Omushamane Pieter Kalangula ou okakomitiye kaye ka pelwe

kovadali ehenifokomesho lepulo lovadali okwa nyamukulilwe kuNdjai Gous nokutya ye ita popi nepangelo olo inali hoololelwa po koshiwana.

Pashifonghundana The Namibian 4.9.1987, elenga ekulunhu laUkwanyama, omushamane Gabriel Kautwima, okwa popya vati ta ti,

Tala kep.6



Pamwe naye oya alele komushigakano aakolokoshi yaali, gumwe kolulyo lwe nomukwawo kolumoho. Enyolo ndika nolya tsa: Oye okwa yalulila maakolokoshi

Oshituthi shehanganitho sha dhanwa tuu, ihe ngashingeyi etsikilo olini?

Nomopaasa yonuumvo oongundu oonene dhooitaali muuyuni nomeni lyoshilongo shetu odha matukile kiitaafula yuulalelo uuyapuki moongeleki dhawo, okutaamba olutu nombinzi yOmuhanganithi guuyuni. Otashi gandja ethano ewanawa momeho okutalwa, kutya otu li naanaa muuyuni u na Kalunga, uuyuni wopakriste. Ihe epulo opo li li, kutya opwa likolwa tuu oonkondo okuhumbatela oshilonga shehanganitho kuyalwe?

Ompumbwe onene methimbo ndika oyo ombili, uuyuki nehangano namukwetu. Okuyapo kwaKristus monyama hoka kwa adha ondondo yakwo yahuginina meso nomeyumuko, okwa li ku na noku na nonena elalakano limwe alike; ehanganitho lyomuntu naKalunga li ningwe nehangano lyomuntu nomuntu omukwawo. Okudhana oshituthi shuulalelo uuyapuki okutaamba euvaneke lyokuninga shoka uulalelo tau shi pula ---- okuhangana nokuhanganitha.

Nena otatu tsikile ishewe methimbo ndyoka oyendji taa si molwetu, taa lemana molwetu nenge taa kanitha ashije omolwomatokolo ngoka taga ningwa moombelewa dhetu mboka twa li tu na enyanyu lyapaasa nedhimbulukwo lyehanganitho.

Onakuyiwa yaNamibia natango otayi tsikile okuluudha kashona nakashona. Omitotolombo dhokudhipaga nokuhanagula, otadhi uvika miifo nomooradio dhomalelo goshilongo shika notadhi halutha. Oompangela dhokukonga ondjila yehanganitho, moshigwana sha tya ngeyi sha hepekwa kuukwamuhoko noshu udha uutondwe wa valwa momayooloko gomadhiladhilo gopapolotika, odha pumba. Naampoka tadhi ningwa, ihadhi yiwa nadho kokule.

Oondjigilile dhimwe, unene momagongalo ga ELCIN ngoka omuntu wa tseyi nawa okuya poshitaafula shuulalelo, kehe ngoka noyaandjawa omukalo omwaanawalela ihe moshigwana shuukwamuhoko ngaashi shino, otagu gandja tuu ethano lya yela lyoshilonga shehanganitho?

Olye omuyeni poshitaafula shuulalelo uuyapuki? Olye kee shi omumwanyoko nenge olye omukwilongo poshitaafula shuulalelo uuyapuki, u kale ino mu pumbwa ponto yoye? Ondjigilile ya tya ngeyi itayi eta owala ekuyunguto momatopolo guulalelo uuyapuki, ihe oya tsimike wo noshikalimo ashije shuulalelo wOmuwa. "Oshitenga shika osho ehanganano epe mombinzi yandje tayi tilwahi molweni nomolwoyendji okudhima po oondjo, "Jesus osho a longo.


Ehangano epe olya mangwa we tuu kuukwazimo wopanyama, kuukwamuhoko, kolwaala nenge kuukwashigwana? Olyo ehanganano lya valwa mombinzi yomuhanganithi: "Ehangano olyo tuu ndika tandi li ya dhikile, Omuwa ta ti. Noondjo dhawo nomayonagulo gawo itandi ga dhimbulukwa we." Heb.10:16,17

Twa zi mopaasa ndjoka tatu itala otwa zi mo twa yambekwa, notatu tsikile ishewe ihe omuyuni tuu mbuka twa kuthathana po nayakwetu. Oyendji ye li moondholongo omolwetu, otaa uthilwa omatokolo guugoyoki kaakriste ooyakwawo, oyendji omahodhi taga tika natango molwethindilokongudhi nooveta dhopaukoloni dha tungwa nowino kaakriste ooyakwawo.

Kape na ano ngoka te shi ludhike, kutya nonuumvo Kalunga okwe tu pele shili ompito ya simana yesilohenda, tu dhimbulukwe notu dhane oshituthi shehanganitho. Ihe esilohenda olyo wo epangulo, uuna inaali longithwa nawa.

muuyuni auhe.

Ya shainwa kuEfolo Hilma Mp.Tshilongo
Pauly.Omuwiliki gwoshikondo
sheputudho lyopakriste, Ongwediva



"Ngashingeyi aakiintu 94 twe ya yapulile muusita mOngeleki yetu," osho omumbisofi omukuluntu John Vikström mefano pombanda a tumbula mokati kaasita yOngeleki ya ELCIN neipando (proud) enene

OVAMWAMEME VE LIKUFANGUNGA VOOVENE

Eongalo lEwaneno eshi la li la nyikilwa kongunga oyo ya li mo, ovakwancongalo vamwe ovo hava longo ko C.D.M, eshi va kundana ongunga ei, pamwe navamwe vomcongalo Onandjaba, ova tula oukuni kumwe opo ve i kandule po. Ongunga yooovene oya li R5,000,00. Naava ve shi pondola ovo nee:

Olavi Ipeinge
Johannes Hamukwaya
Israel Sheetekela
Josua Shilongo
Gottlieb Muateuvi
Abraham Kanime
Henrik Kalomho
OvaNandjaba ovo nee
Gabriel Hamwele
Timoteus Nakapala

Abnier Halweendo
Immanuel Halpinge
Tobias Hitenanye
Simon Hidinwa
Jason Ndeutala
Tomas Ndemushiika

Ponhele yeongalo alishe, Eleleloongalo mokutambula oimaliwa ei, nokupandula ompenda aa noku va twa omukumo opo va ha efe oilonga youpenda ya tya ngaha, ole va pa omulongelo wa dja mOmuud.11.1, Eimbilo membo lOmaimbilo 455.

Ponhele yEleleloongalo neongalo alishe.

Abraham Malua
mEwaneno eti 16.2.88

Otashi ti ngiini?

Nandi kwathwe ndi yelithilwe elombwelo hali kala mOmukwetu li li ngeyi, "Landela hano eshiivifo loye onhele mOmukwetu". Kandi wuite ko kutya tashi ti ngiini?

EYAMUKULO

Ngele ou na shoka wa hais okutseyithila omuntu kehe moshigwana shopaumwene ngaashi okungeshefa nenge okutaamba aalongwa posikola yoye noshu tuu, osho shoka twa dhiadhiadhi.
Amushanga gwOmukwetu

Ehaleloyambeko kOngeleki yomuSoomi lya zi kaakiintu yomuNamibia

Aateologi aakiintu mu ELCIN, sho ya kundana Ongeleki onkwaEvaangeli paLuther muSoomi, kutya ya ningi etokolo yi yapulile wo naakiintu muusita, oya tumu mbala omahaleloyambeko gawo hwiyaaka. Oya tumbula ngeyi:

Sho itaa tu vulu okukala po peyapulo (6.3.1988) tse otatu tumine owala omahaleloyambeko kOngeleki onkwaEvaangeli paLuther yaSoomi.

Manga tatu pandula Ongeleki onkwaLuther yaSoomi, omolwetokolo lyayo okuyapulila

aakiintu muusita, otatu halele wo aakiintu mboka ya yapulwa tangotango omayambeko.

Otatu holola wo onkumwe yetu kaateologi aakiintu Aasoomi mboka ya longo nomukumo noneidhidhimiko opo ye ete po uuthemba wa gwana po waakiintu, mboka wa kala waa po, aakiintu sho ya kala yi imbwa okuyapulwa ya ninge aasita.

Onkatu ndjika Kalunga ne yi yambekele ongeleki ye muSoomi osho wo Ongeleki ye

MESO MWA ZI ETEGAMENO ALIHE LYUUYUNI

Esiku lyotango lyoshiwike, Maria Magdaleena okwa meneka manga kwa luudha natango, a yi kombila, nokwa mono emanya lya kuthwa kombila. Okwa matuka nokwa yi kuSimon Petrus nomulongwa omukwawo ngoka Jesus kwa li e mu hole.

Maria okwa meneka ongulangula ta yi kombila nokweenda ti ipita. Ohole yokuhola Jesus oye mu thiminike natango a thigale pombila ye ta lili. Ombila oku yi lwete kayi na sha.

Ini itaala Omuwa okwa yumuka, ihe shila ope na ngoka e mu kutha mo, onkene ta pula mpoka ye mu tula, opo e ke mu tale ko. Manga e li momaipulo nomomalimbililo gokomwenyo, ohaluka omutumwa gwaKalunga, omuyengeli ote mu lombwele elaka ekumithi, ndyoka Maria momahodhi ge a nyengwa oku li itaala.

“Kee mo muka, okwa yumuka.” Maria okwa nyengwa okumona Jesus, oshoka omahodhi oga kwidhidhike omeho ge nokwa tala nkoka Jesus kee li. Nonando Jesus a thikama mpoka note mu ithana kedhina; Maria, Maria ota tongolola nokwa haluka sho a dhimbulula oye Omuwa.

Omuwa oku shi natango elaka lyaantu, noku mu shi kedhina. Oku na olutu lu shi okugumwa natango. Eeno, oye Omuwa. Ota hedha ko, okwa hala oku mu idhingila. Jesus ote mu lombwele: “Ino guma ndje, oshoka inandi londa manga kuTate nokuHo.” Omuwa ote mu pe oshinakugwanithwa; “Inda, ka lombwele aamwameme, ongame onda sile, onda yumudhwa ngashingeyi notandi londo kuTate nokuHo, okuKalunga kandje nokuKalunga keni.”

Sha hala okutya, ino manena ethimbo mushika, sho wa hala ndi kale gwoye awike. Ka lombwele naambeyaka wo, oya pumbwa onkundana ndjika; onda yumudhwa mo muusi. Omapando geso oga tokoka, ekwamukuli olya teywa oonyala nomayego.

Aaleshi, omu shi wete tuu omalongekidho gaKalunga ketu nkene omawanawa, goshili nogu uka. Pokuya kwomuhupithi muuyuni, oshiningwanima shika shehupitho osha uvithilwa tango aalumentu, aasita manga ya li mokuti noyo ya ningi aahokololi yalyo naapulakeni yondjimbo: “Esimano lyaKalunga mokombandambanda nombili kombanda yevi maantu e ya hokwa.”

Pethimbo Jesus a hepekwa, aalumentu oya huhwa. Oyu uvite komushigakano gwopokati sho kwa mwena, opuwu ngaa, kwa fa kwaa na we etsikilo lyasha. Onkene oya kotha nombili, yi ikutha moshimpwiyu, ye li muutile auke.

Ihe omukiintu ngoka a kala omudhinwa moshigwana shaJuda noshetu nokuli, mpaka oye ta pewa oshinakugwanithwa shokuuvitha eyumuko lyaJesus. Oye a lombwelwa kOmuwa: “Inda, ka lombwele aamwameme onda sile nonda yumudhwa koonkondo dhaKalunga kandje noye Kalunga keni. Okuye nda zile nokuye tandi shuna, ooraamata otadhi gwanithwa.

Okulangekwa kwaKristus mombila, oku na iinima iyali iinene. Shotango okuyapula ehala li kale lyokuvululukilwa mo; nopatiyali oshi dhimbululwe kutya oye okwa si shili, ina kambuka, onkene eyumuko lye olyoshilishili.

Andola Jesus ka sile, nena katu vulu okupopya eyumuko, oshoka mpoka pe na eyumuko, opo mpoka eso lye li tetekele tango. Eyumuko ngele oli na eso, nena otashi vulika naanaa ku kale eso lya na eyumuko. Omunamupya ngoka ta si eso lya tya ngaaka lya na eyumuko, nonando eyumuko lya longelwa omukulilwa kehe muuyuni.

Eyumuko oli li oshitsa shopokati meitaalo lye-tu, tse aakriste, onkene otu shi shi kutya:

1. Jesus gwetu kee shi gwopamadhiladhilo, nenge gwopamatengeneke, aawe. Oye Jesus gwokulipoela noye Omuwa gwomwenyo, ngoka e tu sile nokwe tu yumudhilwa kuHe Kalunga.

2. Okukalamwenyo kwOngeleki yaKristus muuyuni nokwetu aakriste, kaku shi nande okutseya sha ashike kombinga yaKristus, ihe oku mu tseya ye mwene noonkondo dheyumuko lye, nomolwasho eitaalo lyetu, kali shi oshinima sha thikama owala, aawe, oli na omwenyo gwomomwenyo. Kristus omwenyo gwetu.

3. Ongeleki yaKristus ndjono ya pewa oshinakugwanithwa shokuuvitha etumo nosha endithilwa muunzapo womukiintu Maria, nayi penduthe chwamo lyayo oku shi dhiginina. Aakiintu otashi dhimbululwa momagongalo getu,



Joh. 20:1-10


kutya oya fa ya dhimbulukwa oshinakugwanithwa shika shokukonga oomwenyo shi vule shoka ye shi longo nale. Lombweleni wo tse aalumentu, otwa gwila po.

Otwa vuga moondingosho, otwa ninga oombwiti dholuhepo lwopambepo nolwopalutu. Tu faleni tse aalumentu kuJesus. Ku wete Petrus nomulongwa omukwawo, oye entamene owala mombila, e taa shuna. Oshimpwiyu sheni nolukeni lweni aakiintu okugongela oluvalo lweni naasamane yeni, inamu shi ekelahi. Kalunga ke-silohenda ne mu kwathe mekondjo ndika.

Aalumentu, odhoshili kutya ehupitho sho lye ya muuyuni, aalumentu ye li hololelwa tango. Oyo ya tsile tango okanona Jesus oongolo, e taa pulakene ondjimbohambelero yaayengeli yomegulu. Ohole yetu aalumentu oya huhwa. Elaka lyOmuwa otashi vulika li tsakanithilwe mutse, sho ta ti: Aatango otaa ka ninga aahugunini. Tu galikaneni oshiponga shika shaa kale shetweni aalumentu.

4. Egongalo lyaKristus oli na oluthithiya lwoonkondo, olwo Kristus. Omukriste kehe gwomu-

Tala kep. 5



OMWAALU GWUUNONA WONDJALA OTAGU LO- NDO ESIKU NESIKU MOSHIPANGELO

Opu na iinima yimwe mbyoka tayi eta ondjala muunona, unene tuu mboka wa walwa pondje yondjokana.

- Uunona itau mono epalutho lyokontulo lya gwana.
- Uunona tau toyithwa omanga u na owala oomwedhi ndatu nenge mbali nokuli.
- Konima yomasiku gane nenge gatatu okaana oke na nale nokuli oshimela.
- Konima okanona shaa tuu ka lalekwa moshipangelo ohapu piti owala omasiku omashona ko oka galuka ka kwatwa nale kondjala.

Aakulupe: Inaa tseya natango shoka tashi eta ondjala muunona. Aakulupe otaa pula epulo ndika ngele taa lesa oshipopiwa shika, kutya ondjala otaye yi eta ngiini?

Eyamukulo: Ookuku kaye shi okuninga omahini, yo sho taa yi kuundingosho, ehala otaye li topola nokanona. Etata omegundji lyokanona, etata olye mwene. Etata ndyoka otali eta oshimela tashi eta ondjala. Uuna okanona take ya koshipangelo aapangi otaa pula:

Kuku, okanona oka tameke uunake okweehama oshimela?

Eyamukulo "Oka ninga oshiwike paife!"

"Omolwashike ino ke eta koshipangelo?"

Eyamukulo "Kapu na iimaliwa?"

"Yina yokanona okwa yi peni?"

"Oku li kwAmunkambya, kOshakati."

Akutu shili kuku, "Kuku, okanona oho ka pe shike ano?"

Aapangi taa pula:

Omukulupe: Ohandi ka pe omahini gomondooha nda gwedha mo uusila womahangu, no katombo ngaa uuna twa ya pokandingosho."

Aapangi otaa pula natango omukulupe: "Kuku oho tula mo ano uusindo ungapi ngele wa tula mo ekopi limwe mekende lyokanona?"

Omukulupe: "Ohandi tula mo uusindo utatu shaa nda mono kutya inashi pama ngame te tula mo uusila womahangu."

Ngele to pulakene nkene uunona hau ningilwa omahini kooyinakulu, nena owa kumwa owala nenge ndi tye owe eta owala ohenda.

— Uunona mbuno wowene ohau zi unene momahala ngaashi:

Ankambya, Oneshila, Uupopo, Onguta, Uumbenge, Omashaka, Omahenene, Ohangwena, nOkatope.

Ne oonakuthigapo uunona weni inau kola, kambadhaleni oku u palutha sigo nanaa ka adha pethimbo lyokupaluthwa.

Epulo olyo ndino otaye u ningi ano ngiini?

Shotango, uunona nau mone esiloshimpwiyu lyopalutu - ano tau opalekwa nawa, wo tau mono iizalomwa ya yela.

Okanona naka yame ethimbo lya gwana okuza pomvula netata sigo oomvula mbali.

Okanona naka kale haka tuntilwa, shi ikwatelela kelombwelo lyaapangi osho wo esiku ndyoka lya nyolwa mokakalata kokanona.

Okanona ka pa omeya ga fuluka nawa, osho wo iikulya mbyoka yoopalela mepunda lyokanona.

Ndhindhilika ngeyi kutya omahini gomondooha haaluhe ge na uuwanawa washa, onkee ga tala nawa.

Ngele oto thigi po okanona koye, longa nduno omukulupe nkene omahini haga ningwa. Oshiholelwa shimwe tala kondoooha yomahini go "LACTOGEN".

Ino dhimbwa nando etumbulo ndino, kutya ngweye ngu u na okanona ke na ondjala, ongoye to shekitha Namibia.

Ngoka waa na uuyelege mokupalutha okanona koye, inda poshipangelo shontumba u ka konge uuyelege.

Palutha okaana koye nethimbo lya gwana, ka sila oshimpwiyu nawa opo oshigwana shi ku pandule noshi landule oshiholelwa oshiwana shoye. "Dha londoka ihadhi yi iita."

Shaapopi



Omumbisofi gwaambisofi Desmond Tutu ta popitha aanashilonga mongeleka yaNiipa 8.4.1988. Ehokololo tala moshifo tashi landula

EHEKELEKO

Otandi gandja ehekeleko kegumbo lyakuku Mateus Andreas, mOnalulago mOndonga omolwekanitho lyomukulukadhi gwe Selma Shapaka. Kalunga oye a gandjele noye a kutha, tu taambeni chalo lye.

Andreas K. Neshuku
Oluno Sec. School

EPANDULO

Otandi pandula Tate Kalunga sho a hupitha ndje meso, moshiponga shekandomo lyoshihauto 4.7.1987. Otandi pandula wo aapangi mOnandjokwe mboka ya yakula ndje, osho wo aapangi yomOshakati. Nane wo mboka mwa kala nokudhimbulukwa ndje momagalikane-no, Kalunga okwe mu uvu.

Fennie P. Angula
Oshaango

TUTU ISHEWE MOWAMBO



Omumbisofi Tutu ta yambeke uunona konima yelongelokalunga mOdibo 8.4.1988

OMUKUNDA MUPE WOTB WA YEULULWA MENGELA

Okomitiye yehangano lomushiyakano utilyana wopaiwana (ICRC) ola yeulula omukunda wotiibi (TB) mupe moshipangelo shaNgela eti 24.3.1988. Osha ningwa opo ku kwafelwe ovanhu ovo tava lumikwa nai komukifi ou, unene ovo tava tauka kuAngola omolwoita yopashiwana oyo tai twikile natango pokati kovakwaita va MPLA na UNITA ongudu tai yambididwa kepangelo la SA.

Omushamane Bernard Pigny ou e li omuwiliki wopedu wokomitiye oyo okwa fatuluLa kutya ehanganano lomushiyakano utilyana lopaiwana ola totwa momudo 1863. Moule womido 125 dalo moilonga ola kala nokulonga muEuropa fiyo la fika muAfrica nokuli. Omushamane Pigny okwa twikila ko ta ti; elalakano lavo lokutunga etungo eli olo okukwafela ovanhu ovo tava hepekwa ko TB nova halakanifwa koita.

Okwa holola yoo nghene ehanganano lavo la shakeneke komaupyakadi e lili noku lili, omo mwa kwatelwa odila imwe yavo oyo ya yashwamo mombada omudo wa ya moshitopolwa shaAngola. Nonande ongaho, vo ove liyamba okukwafela ovanhu aveshe pe he na ondjoolola yoluvuala, eitavelo ile eitavelo lopapolotika, osho Pigny a ti.

Pefimbo loshiviloyeululo omushamane Sacky Hekandjo okwa yelifa pOmukwetu kutya osho oshikando shotete mOwambo ehanganano lavo tali yeululifa etungo loludi eli.

Dha za kep. 3

Kristus oha pewa mo esiku kehe moluthithiya nduka, onkene oku na okutopolela mo aamwayina taa pumbwa oonkondo ndhika. Omuwa gwetu ota ti:

Otandi yi kuTate nokuHo, okuKalunga kandje nokeni. Onda pewa oonkondo megulu noko-mbanda yevi. Otandi mu pe oonkondo ndhika: Indeni, ka uvitheni evaangeli, ya shasheleni medhina lyaTate nolyOmwana nolyOmbepo Ondjapuki. Osho ngeyi koonkondo dheyumuko lyaJesus, aakriste taa uvithile yalwe omwenyo ngoka tagu tuna muyo.

5. Egongalo lyaKristus nokugwanitha shoka ye shi uthilwa, inayi ikalela. Kristus mwene gwayo ota longo muyo, ota longo pamwe naatumwa ye note ya longitha iilongahenda muuyuni, koo-mbepo dhawo adhihe ne.

Aamwatate, oshinakugwanithwa shetu tu shi ningeni ano neinekelo ndi: Omuwa gwOngeleki oku li muyo, oye oonkondo dhayo, oonkondo dhetu nomwenyo gwetu. Onkee tu na okweenda mokukala okupe molweendo oluyapuki, oshoka olweendo lwetu kevi otalu hulu mbala.

Omuwa ota ti: "Otandi yi kuTate, ihe otandi galuka ndi mu ile, opo mu kale wo mpoka ndi li.

M.Amkongo

MEngela otwa tunga mo omukunda weembete omilongo nhe (40) kEenhana otwa wapaleka ko etungo limwe notwa tula wo eembete omilongo mbali nanhano (25) nokoNkurenkuru etungo limwe li na eembete omilongo mbali nanhano (25) osho Hekandjo a yelifa oilonga yavo pOmukwetu.

Omushamane Hekandjo omukalelipo wEhanganano olo koshitukulwa shOwambo.

Omukulunhu woshipangelo shaNgela Matrona Hilja Magano Nghilundilwa pefimbo leyeululo okwa ti; omunaudu ita hakulwa ashike neepela ile novenda, ndele ota pumbwa yo onhele yokutululumukilwa mo. Ovangela ohatu pandula Kalunga ou a pitika opo tu tungilwe etungo la tya ngaha.

"Omwenyo wange hambelela Omwene, ove ino dimbwa ouwa washa e u ku ningila," osho Matrona Nghilundilwa a tumbula mokupandula ovaenda aveshe ovo va li poshiviloyeululo.

"E ku pa kanini e ku xunga omwenyo," osho Matrona Monika Shilongo a tumbula mokuya-

ndja epandulo laye ponhele yoshipangelo shaNandjokwe, osho hashi pashukile oshipangelo shaNgela. Okwa holola kutya ova kala efimbo lile va nyengwa okunyamukula omapulo Ovangela, eshi va li tava pula va tungilwe omukunda nande umwe.

Eshi osha kala oshisho ihashi tu kofifa meenduda detu, asike paife otwa pupalekelwa omutengi wetu ko ICRC, osho Matrona Shilongo a tumbula oitya yaye yolupandu.

"Ohandi pandula epandulo lowina, shaashi naame onda li omunaudu wo TB odula imwe," osho omufindi womatungo wa ELCIN Kuutumbeni B.Kathindi a tumbula palufo laye. Okwa yelifa ovapwilikini vaye kutya oilongifo yomoundjuwo inai dula okufika omolwefundja mo SA. Okwa ngongosheka ovapangi opo va kunghilile ovanauudu va longife nawa etungo olo.

Oshiviloyeululo eshi osha li sha kalwa unene kovapangi vomoshipangelo shaNgela, ovo va li tava dana nokutyatyla nolupanda letungo olo okuholola olupandu lavo. Eenghuwilili nomaimbilo taa imbwa nawa oyo oinima ya li tai udika moshipangelo shaNgela efiku olo.

Tomas Nghitukwa

Omukwetu okwa kundana, kutya fiyo eti 12.4.1988, eefikola eshi da ka tameka, okamba inai dja po natango. Omukanda ou owovahongwa eshi va lekela ovalongi vavo.

A310 18/3/88

TO THE TEACHERS OF PONHOPI AND PRINCIPAL
PRIVATE BAG 506
TEL. 1102

PONHOPI SECONDARY SCHOOL
PI BAG 506
OSHIKANGO
9000

OYAFIMANEKWA

16 MARCH 1988

OSHINIMA; OKAMBA

OTU SHI SHI KELA KUTYA MUNYE KAMUNA OU ENA
EENGHONO ID KUKUFA PO OKAMBA YOMUTONDI OYO.

ASHIKE FYE OTUNASHA NEEMWENYO DETU.

"MUNDJA IHA TUPUKA MALANDJO AYALI"

HANO FYE OTWAYA VAHONGI OVAHOLIKE NOSHOMO OILYO

AISHE YOSEKUNDSKOLA PONHOPI. FYE OTWA YA OMOLOWOKAMA.

NGEENGE YADIPO TAMU TUIFANA. INAMU TUIFANA INAJAPO

KUTYA NEE DIKALEPO EGULA NGAPI HAMUNHU WETUIFANA.

OMANGA OKAMBA OYO ILIPO. OUWAHALA OKUFUTA OMWENY

WOMUNHU TUIFANADWINA

OTU SHI SHI NALE KUTYA NANYE INAMUHAFI ESHI TULYE.

IGAHA ASHIKE FYE OTWA TOKOLA OTOKO. SHOSHILI DUWE

TUIFANA OKAMBA OYO INAJAPO WALYE ESHIWETUHALELA.

IGEENGE INA IAJAPO NEUDO NAFYE OTATUYA NEUDO.

NGEENGE OYA DIPO UFANENI DHATUYA NOMBILI!

YVAHOLIKE LONGWA VENI (OIXUPE YENI

OMISS ANDOMR PONHOPI SECONDAR
DOMISS NOMR PONHOPI TWA"

OSEKO YAPONHOFI OI LI MOMAUMBO

Da dja kep.1

Ovakwanyama ovo vahapu moshitukulwa shOwambo, onghe ove na lela eenghono okupopya ponhele yovakalimo aveshe vomoshitukulwa, eekamba dovakwaita di kale mo.

Ehistoli lofikola oyo Ponhofi ola tilyaanekwa kokamba yoKufuta oyo i li ponghulo yayo. Eti 10.2.1982 okaana Hilka Mwanengange oka yashwa okufya mofikola omo naNdahafa Haikali oka lemanekwa okuulu.

Natango 3.3.1986 Rakel Hangula oka yashwa mokuulu. Eti 12.3.87 Albertina Nghikongelwa naViktoria Nghikofa ova yashwa okufya



Ovadali vounona hava fikola mOseko oyo moshongalele shavo neudo omo va koleka etokolo lounona okufiya po ofikola ngeenge okamba itai di po

navakwao vaheyali va yehamekwa momunghandjo tuu omo.

“Oshiwa tuu vali ovadali va tume ounona vavo kofikola ei, ndele shi ka dje ko omidimba ashike? osho ounona mofikola ei va pula komalenga oshitukulwa, aa taa anyene okamba i tembuke po.

Oshongalele shoneudo ovadali ova tuma okomitiye yofikola nokomitiye yovadali kumwe di findikile amatokolo oshongalele komalenga aUkwanyama. Ovadali ova teelela eefikola eshi tadi ka hovela noshikako oshitivali, ofikola Ponhofi nayo ia ka tameke, okamba ya dja po nale.

Okwa indilwa etokolo eli lovadali li tumwe keembelewa adishe da kula noli endeke pamwe neembapila delaleko lovahongwa kovalongi vavo eshi va fiya po ofikola oyo. Ombapila ei, tala yo moshifo eshi.

Oshongalele shovadali moukumwe washo, kapa li omukondjifi, osha tokola ngaashi tashi landula apa:

1. Ovadali ova tokola newi limwe okamba yovapolifi pOhangwena i dje po divadiva. Oshongalele otashi indile omalenga omOukwanyama kumwe noshikondo shehongo, kutya nava kufe po okamba oyo meemhadi ditalala, opo ofikola i hovele moshikako oshitivali eti 12.4.1988.

2. Oshongalele otashi endulula etokolo lasho lodula ya dja ko (1987) opo okamba tuu oyo i dje po

filufi, nonande omalenga avali omOukwanyama; Tatekulu Dan naTatekulu Kautwima, inava hala, ngaashi sha holoka mombapila oyo va shaina omudo wa ya.

Ovadali otava indile omalenga oo a kwatwe kolune loshiwana tashi dipawa oipundjamenye omolwokamba oyo.

3. Ovadali otava indile eekopi deembapila delekelo lovanafikola voPonhofi da shangelele omukulunhufikola nomutalelishikandjo, di endeke pamwe nomatokolo aa taa i komalenga nokoshikondo shehongo.

3. Ovadali ova indila opo Epashukilofikola laPonhofi pamwe nokomitiye yovadali va fikife etokolo loshongalele shovadali komalenga nokoshikondo shehongo pe he na omaongaongo.



5. Ovadali ova tokola kutya okamba ngeenge itai di po, ovadali otava koleke etokolo lovanafikola voPonhofi, kutya ofikola oyo itai kala po vali, manga okamba oyo inai kufwa po.



Omukulunhufikola meme Marta Hishidimbwa ou a teelela paife eudafano li ningwe pokati kovadali vounona nomalenga aUkwanyama

Pauyelele oo Omukwetu a pewa komukulunhufikola oyo meme Marta Hishidimbwa, ounona aveshe vaheyali va uhalele va kwatwa kovakwaita fimbo va li mondjila yavo okuya komaumbo, ova efiwa. Okakadona Kalapufye Kashidulika aka yo kali ka valulwa momahepeko ovakwaita noka kala haka hakulwa moshihakulilo mEngela, otaku ti nako paife oke li nawa.

“Inamu tu ifana okamba inai dja po, kutya nee oi kale po eedula ngapi. Ou wa hala okufuta omwenyo, tu ifana owina,” osho ounona va fiya va lekela ovalongi nombelewa yoshikandjo shavo.

Meme Hishidimbwa okwa ti ovalongi vaye 21 pefimbo eli ounona va ya komaumbo, otava lesa ashike omambo avo, tava tu eenyanyo vo tava te owela, fimbo enyamukulo la teelelwa komalenga.

Ovadali ova ti voo ova hala okumona omalenga avo ngeenge ove na tuu alune noshiwana osho va nangekwa mo nove na tuu shili nouwa wehongo lasho. “Eshi ve li omalenga osheshi fye oshiwana tu li po,” osho omushamene umwe a ya mo ye te li pupula ta pilameneko, ta i.

Mwaaveshe va monene omhito yokutya sha moshongalele, kakwa li nande oumweumwe a kondjifa edjipo lokamba popepi nofikola younona wavo, osho yo inaku monika oo e na ediladilo okaana kaye e ke ka tembulile keefikola dimwe di lili.

Sebulon Ekandjo

Oshiningwanima (Etitatu koshivike 10.2.88)

MEngela omwa ningwa oshiningwanima shinene. Otundi oya li etata lonhatu yomutenya, efiku 10.2.88. Eshi poshivelo shoshipangelo shetu, apa hapa landifwa kovanhu, manga ve lipyakidila nokulanda ounima wavo, ohaluka oluvadi ola shela. Ovanhu omulongo ova kwatwa kulo.

Muvo omwa fya ovakulukadi vavali va hangika meteelelo va li ve ya kefulo va dja koAngola. Omanga vahetatu va yehamekwa. Movahamekwa ovo omwa li yo okamati ketu kedina Asser Amon Mbangula.

Ovapangi ova dengela kOshakati, Onandjokwe opo ku dje omakwafo. Divadiva kOshakati okwa dja eeAmbulans mbali. Oda kufa po ovanaudu vane, omanga vane va fyaalapo omolwonhele. Konima yokafimbo Ambulans yaNandjokwe oye ya noya kufapo yo ovo vane va li va fyaalapo.

Ovapangi vomEngela, vaShakati osho yo vaNandjokwe ohandi mu pandula nda mana mo shoshili. Onda mona nonda tala kutya opa li tapa endekelewa shili nomwa li yo mwe litulamo mokuyakula. Tate Kalunga ne mu wedeleko keenghono deni ye e mu pe oukolele wokolutu, nye mu kale ovanelao apa mounyuni nomeulu yo.

Ekundo leni Kol.3:16-17 Eimbilo 168

Omukweni moilonga
Rauha - Penelao Mbagula
Enongelo - Engela

Savimbi aniwa kako, ongundu ye hwepo

Epangelo lyaAngola otaku tiwa olyi ilngekidha pethimbo ndika okukundathana naantu yaSavimbi, omuwiliki gwaUnita, okukonga ombili yoshilongo shoka, ihe Savimbi yemwene na kale kokule nompangela ndjoka.

Onkundana oya zi mehanganu lyooradio lya SA (SABC) ndyoka lya ti wo, kutya onkundana olye yi pewa kehangano lyaUnita. Omasiku ga zi ko, changano lyaUnita olya tseyitha kutya olya dhika epangelo lyalyo moshitopolwa shuuzi-lombugantu waAngola.

Mepangelo lye, omusamane Savimbi ngoka e li omupresidende, okwa ulika Jeremia Chitunda, a ninge oministeli yotango. Okabinete akehe oka thikama mooministeli 11 naapeha yadho, moka mu na omakakunya osho wo aakiintu yatatu.

MuHarare, ombala yaZimbabwe, omwa zi wo onkundana ya gandjwa komukalelipo gwepangelo lyaAngola, omusamane Lopo do Nascimento, ngoka a ti, epangelo lye olya tula poshitaafula ethaneko, ndyoka ya tegelela ekoleko kombinga ya SA.

Omusamane gwiikwapondje, mepangelo lya SA, Roelof (Pik) Botha, nge ta pulwa nkene ta tala ethaneko ndyoka, oha ti ashike, Angola ina gandja ethaneko lya yela kombinga yaAcuba.

Methaneko ndyoka, omusamane Nascimento ota ti, oye na ngashingeyi etegameno mulyo li taambwe wo noku SA. Ethaneko otali kwatelele mo iitsa tayi landula:

1. Epangelo lya SA li ithane ko aakwiita yalyo ayehe mboka ye li ngashingeyi muAngola.
2. Eshunitho lyAcuba ya ze muAngola li shi okutaambwa ko ndyoka tali tameke nAcuba yomoshitopolwa sholukadhi lwaAngola.


3. Etulomiilonga lyoshitokolitho 435 shligwanahanganu omolwemanguluko lyaNamibia.

4. Ehulithopo lyomakwatho agehe gopakwiita koongundu adhihe dhopolotika tadhi kondjitha epangelo lyaAngola.


Pathaneko ndyoka, otaku tiwa ando oongundu adhihe ndhoka dholuhindo kuAngola (Unita na FNLA) dha homata, otadhi monenwa omutumba muuzilo waZaire. Epangelo lyaZaire otali kundathanwa manga nalyo moshinima shoka.

Kombinga yaAngola yemwene omusamane Nascimento okwa ti, Angola uupyakadhi we womeni, ota tala nkene te u kandula po mwene. Pauyelele mboka wa zi palwe, epangelo lyaReagan muAmerika nolya SA otaga thiminate epangelo lyaAngola li ye moonkundathana naSavimbi, mekwatathano neshunitho lyAcuba kaandjawa.


Epangelo lyaMPLA muAngola, otali tala kutya uupyakadhi waSavimbi ou li po ashike uuna omayambidhidho ngoka ha mono kuAmerika noku SA ge li po.




**OLYE OMUDHIKI GWOMAGUMBO?
OLYE OMUDHIKI GWOOFABULIKA?
OLYE OMUDHIKI GWOOFALAMA?
OLYE OMUDHIKI GWOOMINA?
-OTSE AANIILONGA**



AANIILONGA, INAMU DHIMBWA ESIKU LYAANIILONGA, 1.5.1986



OMUNIILONGA, ONDJAMBI YOYE OYINI? ONDJAMBI YOMUHONA GWOYE OYINI? OMUNIILONGA, KONDJELA UUTHEMBA WOYE.



ESIKU LYA MAI

ESIKU LYA MAI

Omatumbulo amwe a dja meudonya omolwefyo loshiwana

Moshivilo shinene shepako loimhu 17 omolwefyo loshiponga shoboma mombaanga yaShakati, ovapopi aveshe okwa li tava holola eudonai loiponga yoludi olo. Ovanhu tava tengenekwa 25,000 ova li va ngala moshivilo osho 27.2.1988.

Omushamane Abednego Nghifikwa, okwa li umwe wovapopi mofudiko linya. Omatumbulo aye amwe otaa landula apa:

Haikwata ou wa ninga oshinima eshi, omwiyo woye wa kwata shoshili, onghe oshiwana ashishe otashi lili. Kashiude ngeno okwa li inoo dalwa, ngeno osha kala xwepo, shaashi ngeno ino etela oshiwana shetu oluhodi li fike apa, nowa shanga ngaha eendada da kula ditilyana mondjokonona yoye ove mwene.

Osha yela kombinga yoye itaku ka kala efindano, osheshi ohali kala ashike apa pe na oukumwe neudopamwe. Eshi wa ninga osha ehenifa vali oshiwana shetu kumwe. Ongudu i fike apa, inene inai uya ashike okulila nokuhekeleka, ndele oye ya yo okutokola nokwekelashi kokule oilonga yoye youpwidi.

Ombili yoshilongo eshi oya popiwa noya udanekwa luhapu moilongo yopondje. Ope na osho hatu ti; "Oinanghonolongo yautokelo", oyo twa ninga eedula twa tala kuyo nomesho e na eteelelo nelinekelo, opo i etife ngeno ombili. Fiyo opaapa ombili yavo inatu i mona.

Ondi na ekundo lowina koilongo oyo nena. Ekundo nande ola i nomhepo kashi na mbudi,

osheshi nomaudaneko ayo kufye osho yo elinekelo letu kuyo, ola ya nomhepo.

Fye ovanhu vomoshilongo eshi ava tu li moluhodi efiku keshe, fye ava mwa udanekela nalenale okweetifa ombili moshilongo shetu, otwa itavela shoshili, kutya otamu dulu lela okweetifa ombili nemanguluko ngeno okwa li mwe shi hala nomwa tokola oku shi ninga.

Otwa itavela kutya nye otamu dulu shoshili okweetifa ombili moule ashike weetundi omilongo mbali nanhe, noinapa tika nande eta lohonde. Mupyamunene inamu litula mo, osheshi inamu hala oku shi ninga, onghe osho she tu ongaleka apa, otwe shi tala osho oimati yokuhelinekelwa kweni.

Koshiwana shange, onda hala ndi tye, ounyuni otawu dulu, ashike inau hala oku tu kwafa. Tu lineekeleni ashike Kalunga ketu ou oye ake ti, ta dulu nokwa hala oku tu kwafa. Oye ta ka popya lwaxuuninwa komukundu wedu letu, ye oye ta ka shitukifa oluhodi letu ehafo.

EHEPU LOMWASHE KOSHIPONGA SHOBOMA

ETWIKILO:

Mombaanga otwa li momukweyo ou wokalyenge, tu li pokufika pomayakulilo. Inandi nongela sha sha yela, osheshi she ku nangela oshi na ounongo woku ku lya. Osho ashike shi shii kutya ohashi mu ende ngahelipi nefimbo peni.

Fye Ovalaule ofye atuke twa li mo momukweyo. Kamwa li Shindele. Noindele shiimba ei ya li mo, oya li ye lipyakidila koikololo yombaanga. Ame pakukala kwange, inandi mona nande Omutilyane. Onghe kandi na naanaa ouyelele, kutya omutondi naku shi ninga okwe ya po komukalo u li ngahelipi.

Okwe ya po te liyombo ile okwe uya komukalo u li ngahelipi. Ndele shaashi Kalunga iha dipaelwa ovana, woo oufudime ihau yofwa, ngeenge owe u yofa ohau nyika. Ove nee naku shi ninga, lungama, u ha ka cluke u ka tye, ondi na etimba nda kengelela ohonde i he na etimba, kotoka.

Ope na oshihopaenenwa shiwa, Moses eshi kwa li a pewa oshiwana shaKalunga Ovaisrael e shi wilike, okwa endaenda nasho nopeemhito dimwe osha kala tashi nane noudjuu, shi udite ondjala nenota. Vahapu ova ninga oshilumepiluka, tava ti; "We tu kufa kuEgipiti keembiya deembelela, we ya u tu fife ondjala morabuwa. Kaume, naave pamwe oto hokwa ombiya oyo ya ondoka, i na omunghoka wa nyika, ove to dimbwa yeudaneko.

Pamwe ombiya oyo to li tai ke ku topela. Ekuta olo pamwe olokomutengiotali ke ku pilukila eshi to ke liponda ove mwene vakweni va taululula nale ve ya kedu leudaneko va ya kepupifo lavo kuKalunga.

Dimbulukwa, efapo okukotokela oshiwana shaKalunga, ndele dimbulukwa naave owaKalunga nakuninga oshinima eshi shi nyanyalifa. Ngeno kwa li ndi ku shi, ngeno ohandi tu eengolo pamwe naaveshe Kalunga a dimepo omatimba oye, ndele te ku kufa oulunde woye aushe.

Kaume, dimbulukwa oshiwana shaKalunga. Aishe oyo to ningi oto ningi ashike mepukifo, shaashi owa holekwa oshinima shimwe. Ounongo waKalunga owe u holekwa kuSatana.

Satana okwa li a kala puKalunga ta kondjifa Omona waKalunga ta ti; ngeenge ove omona waKalunga shitukifa omamanya a ninga omingome. Kristus okwe mu pa elaka limwe alike. Ndele natango te mu londeke te mu ulikile vati oshilongo ashishe nouwa washo, opo vati ngeenge te mu twile eengolo ashishe ote shi mu pe po.

Satana ota i ta ka twa Herodes omaminimini opo e mu monene etimba lokufya. Opo ngeenge a fi, ekulilo li ponye nokondudu kwinya e mu londeka nelalakano opo ngeno a teke ile a fye opo ngeenge oyo ivali ya wanifwa, ekulilo ola ponya.

Tala kounongo waKalunga wokuxupifa omunhu. Mefimbo olo Satana okwa ka mona

ashike eshi Kristus oye a ninga ohamba.

Satana ke na sha, ke na eenghono, ke na epangelo. Oku li embungu linene la hondama konima yengade, la tila ovashitwa vaKalunga e va umbile momulilo e va xwikepo omidjalo davo e di ningulule ngaashi di li apa omidjalo dange odo nda pewa kuKalunga okwa kendabala e di ningulule e di xwike.

Okwe di xwika. Okwa kendabala a nyangule nge, opo ndi ninge waye. Ndele nee osho oshikutu shokombada. Oshikutu shomeni ke na apa te shi hange. Onghee ohandi ti ove ou li omwiitaveli, omukriste omona waKalunga wa shashelwa medina laye ino efa okutumbula etumbulo eli: Omwenyo wange hambelela Omwene naashishe shi li meni lange, edina laye liyapuki. Hambelela Omwene, tu hambelela Omwene tu hambeleleni Omwene Kristus Omona waKalunga, e tu fila komushiyakano.

Eneas Haifidi



Omushamane Eneas Haifindi

OMAHEKELEKO

Otandi gandja omahekeleko kaamwameme mu Jesus Kristus mboka ya thigwa po kaakwanezimo yawo molwoshiponga shoboma 19.2.88 yombaanga moShakati. Kalunga na thete po oluhodi kune aamwameme noinat ucha okugalikana Tate gwomegulu oye te tu kwatha muudhigu suhe. Tse Aanimbia otu li shili muukoloni wa S.A. nonkee shetu osho owala okugalikana Kalunga Eimbilo 315

Amiri Thomas
C.C. College
Windhoek

"Eli nali kale ehekeleko netwomukumo letu ovamwatate amushhe omolwoshiponga osho sha ningiwe moShakati 19.2.88 omo twa kanifila mo ovamwatate vahapu, unene tuu oiyu moshihakulilo moShakati.

Eendjovo dehekeleko mu John 14:1- exulilo, noshoyo ekapiteli 16 alishe; eimbilo momimbilo 372, membo laAnglican nali kale 161;240;250. Ovamwanyoko muJesus Kristus otave mu tu omukumo mu ha sholole natango. Hekelekwani

Ovalihongi kojikola yopombada
yaFort Hare

ESO

Nakusa Wilhelm likwiyu omunilonga omukwetu ngoka a kala a hogololwa amushanga gwopevi moRaata yuukumwe waanilonga ya SWAWEK, SWAWEK Workers Ontspaning Clup mo Van Eck Powerstation moOvenduka. Okwa manene oondjenda dhe medhipago lyuusiku kaantu inaya tseyika. Omudhimba gwe ogwi ituwa momulamba gwomoSoweto moOkatutura 5.2.1988.

Okwa adhikile e na ombululu yomwele montulo kombinga yokolumoho. Omushamane likwiyu okwa tamekele lilonga moSWAWEK 7.11.85. Okwa kala ha longo moshitopolwa sha E.M.D. shomalusheno. Joh. 14:6

Omuniilonga omukwawo
T.Nd. Shagandjwa/Windhoek V/E

ONTAKUMANDJIMBO

kuJason Amakutuwa

Ndlimani ya mwashuka
Tenda lya tanduka
Lya tegwa nekanyeko
Halo tu nenwe ko
Ehayango lya yaka
Mulilo gwa tukuka
Yakwetu ya yambuka
Notaya matuka

Onkugo oya yaka
Tayi kaluluka
Ekuyungu'enene
Olye tu ihanene
Ngu ta kugu ta lili
Ngu ta ti "hilihi"
Ya kambadhala hewa
Ya long'uuanawa

Omwenyo sho gwa tedha
Mutima gwa pongola
Omutondi e shi mana
Sho a long'ihuna
Momwenyo kamu na mbo
Neta lyuunamambo
Muye nge lya holoka
Otaa ka monika

Yakwetu yaNankali
Tamu lli'oonkali
Hamu tsu oonyanyo
Nkundundu komwenyo
Omuyengeli Mikael
Naanguka Gabriel
Oye li na Rafael
Shanka naFaniel

Omakand'asyengeli
Tu na aapopili
Otu na Aaserafi
Mumwe nAakerubi
Ya kinga taa tsu mevi
Ya taalela pevi
Ya hupithe aakwavi
Ya kwathe aanevi

Kalunga ketu Tate
Tu koleka Tate
Hatenda tatu tege
Kristus tatu tege
Twa manamo omeho
Twa kutha mo omeho
Twa taalel'omutameki
Kristus omuwiliki.

Etenda lya nuninwa
Mboka ya sheyiciwa
Shilila ya halelwa
Mwigo ya tegelwa
Gwa tegwa nekanyeko
Ayehe ya se ko
Meemukwetu sho lya topa
"Mwaka pwalakata"

"Nghee a ile koilonga fiyo onena"

Omulumenhu wange Mateus Mundjanima oye omukalimo womuKatutura mOvenduka. Onghee a ile ongula yeti 23 laJuli 1987 koilonga, fiyo onena meumbo laye ina alukila mo vali. Paife eemwedi tadi ka ninga omugoyi eshi inatu mona vali olupe laye ile oshipala shaye.


Ehokololo otali ti: okwa kwatelwa koilonga kopolifi, ova denga ondalaye naye peumbo laye, omanga ve mu tula nale moipandeko nokuli. Ova shiivifila onunona peumbo, kutya ova ya naye, omanga omukulukadi a hangika a ya koKersesa. Konima yokudimbuka kwaye keetundi, elaka la tumbulwa vali konima yomafiku eshi a pita po otaku ti: Okwa idililwa kodolongo yaSire.

Omushamane Mateus 35, okwa li omunya-nyangidi omuyakuli (publisher) woilonga yomambo noifo yeenghundana daSouth Africa "Rapport" yehangano laPerskor. "Fiyo opaapa inandi shiiva osho ta tamanekelwa." Osho meme Namutenya Mudjanima (Naunyango) omukulukadi wa Mudjanima a tumbula.

Omukulukadi meme Namutenya oye omulongifikola pofikola yopedu yaMandume moKatutura. Mudjanima oye xe younona vavali; okakadona Twapewomaano nokamati Twakulilwa-Twapwa.

Esiku uuna to ya
Wa pindjala to ya
Wa nika uukandala
Ngoy'omwamunyembala
Atuhe twa gongala
Notwa pugalala
Ileni ne yaTate
Omuwa wa Tate

Amuhe aatekulu yameme
Nge kwa luudh'ongaye
yamwameme
Tii ya nda tal'eye
Lyuuyelee'uukumithi
Kau na oiwithi
Te katuka te tuka
Note kaluluka.



Omushamane Mudjanima ta kongwa kovaneumbo laye

YA DHIMBULULWA TAA LONGO IIHUNA

Omulopoti oye omudhipagi omunene nomukengeleledhi. Omuntu ta monika molupe nduno oku li omutumwa gwasatana nomulongeli gwe ongaJudas yalskarioto.

Osho tatu adha elopoto tali etele Omuna gwaKalunga oshiponga noku mu falitha sigo omokusa kwokomushigakano. Mat.26:47-48.

Omunamibia omuholike koneka, omudhipagi ke na omwenyo gwaaluhe gwomuKalunga. Ope na ngoka gumwe gwomutse ta dhimbulula kutya oku na mo sha miitya ya tumbulwa metetekelo, onawa ngele ta tha manga pe na ethimbo lyesilohenda nolye-dhiminathanopo lyoondjo nomiyele inaa dhi pata.

Timothy Amuulo
Tsumeb

Kongeleki aische nokoshiwana shaNamibia

OHATU PENDULA

Otwa uda ko nohatu linyongamene pamwe nOvanamibia aveshe, ndele hatu lili omolwedengo neyehameko la ningilwa oilyo yOngeleki noyoshiwana eti 19.2.1988. Pakutala okwa fa ku he na oo ta dulu oku tu hekeleka, ndele te tu pe omukumo okulididimikila oshiningwanima shi fike apa, nokudimbwa eyehameko eli.

Ndelene nando ongaha, oku na Tate Kalunga oo a udaneka okulundulula oinima ikulu nokushitukifa aische i ninge ipe, sha kwatelela mo yo onghalo ya tya ngaha: (Jes.43:18-21, Ehol.21:3-5).

Omwene na shakenife omaudaneko aye, a dime po yo omatimba etu, ye e tu tumine ombili oyo twa djuulukwa shili.

Epopifo neuditopamwe moluhodi, ola tumwa kOshitaingeleki shaKunene.

Noa Ndeutapo



Ethano ndika olya thanekwa esiku lyefumviko lyopaCassinga mOngwediva 27.2.1988

Ova shangela nge tava ti

AALONGI ENDANGALATI

MEDOPO LOVALIHONGI

**OHANDI PATANEKE EYANDJO
LOUYELELE LA T.TALANAWA
KOSHIPOPIWA SHA
A.K.ODATWA**

Kaume Talanawa, ondi shi shii oshiwana ohashi ningilwa omahepeko ngaa kovakaita voSwapo ngaashi to ti. Ashike omahepeko aa haa ningilwa oshiwana koPlana naa haa ningwa koma-kakunya ope na eyooloko la kula.

Nandi ku pe etumbulo limwe nda toola mOmbibeli tali ti kape na omona iha dengwa ku xe, elalakano olaashi e mu hole. Ame mwene onda teelela emanguluko olo tali kongwa koPlana, nokwaaveshe ovo mwa idilil a meedolongo molwoshili yokupopila edu looina.

Fye ohatu hepekwa koPlana ndee elalakano layo oku tu tula mondjila, noku tu vela ombedi opo tu ha yandje po edu letu kovakwailongo. Nye ndi shi ohamu tu hepeke opo tu yandje po edu kovakwailongo? Otamu tu manepo ashike shila, ngashi tamu popi neembulu deni, kutya otamu i noshilama shomulaule.

Fye otu shi shii kutya ekondjo loPlana oli li momukangha wa fewa nale kooHosea Kuutako, Tobias Hainyeko, ooToivo yaToivo, Natanael Maxwilili, Libertine Amadhila noovakwao ava ve liyamba yoo omwolwedu Namibia ooMandume Ndemufayo, Hendrik Witbooi.

Omakakunya eshi tamu tu kondjele, omomukangha walye wa landula? Talanawa omulongeli wondjabi ke fi omufita weedi kaume, osheshi ngee embungu ole uya ye ota faduka po, nde ta i, eedi, te di fiye opo. Oplana oya tokola ashike okuliyamba.

**H.Tweufilwa
Windhoek**

**KUANGULA YAPAAVO NA-
JONAS ATII:**

Ohandi nyamukula epulo loye kaume Atii nakaume koye Paavo. Nyee vene omu li mondjila eshi tamu ti natu mu efe mu kale neembulu deni.

- Hamba eembulu odeni?
- Onye mwe di dala, ile odo de mu dala?
- Eembulu hano eenghwashike komapata ado opo di ninge deni?
- Eembulu omwe di pewa kulye?

Ndele otamu shi popi kutya otamu tu mane po manga, opo mu dje mo nawa moukakunya? Oshike she mu twala mo nyee mu shi kutya omakakunya ohaa felekenyenwa? Fye ava mwa hala okumana po hafye twe mu tumine mo. Vali fyee hafye hatu ku lopota, shapo oove mwene we lilopota.

Tamu tongo nee Kalunga mwa fa mu mu shii shili? Nye tamu tumbula nee Kristus mwa fa mu shii oilonga nehala laye shili. Ohonde yOvanambia otai mu kuwile medu oyo mwa dipaa.

Fyee itatu mu efa inatu mu pukulula. Fye katu mu yele, ndele otu yele ashike oilonga yeni. Fikameni mu efe po oukakunya oo nokuli!

**Nghitekavali (OFAPLA)
NORTHERN NAMIBIA**

OMAKAKUNYA IHAGA LESHA

Oshigwana shaNamibia otashi mono iihuna ketanga ndyoka li iluka "etanga lyegameno" nando lyo lyene kali uvite ko nani oshitya egameno sho tashi ti. Uupyakadhi uunene ou li koshitopolwa shOkuumbangalantu waNamibia hoka ku na ita ya yaga kegonga.

Tse aakwashigwana otwa koneka kutya iifo nando nanyi nyolwe tayi popi omahepeko ngoka taga ningilwa oshigwana koKoevoet itapa lunduluka sha, oshoka oKoevoet ihayi lesa iifo naambyoka yi li melaka lyOshiwambo ngaashi Omukuni nenge Omukwetu.

Mbyoka yoshitakumo malwa manene, netompelo oondika kutya omakakunya ogendji kage shi nokulesha. Naangoka ihe ge shi okulesha, ngele oge ku adha to lesa oshifo, otage shi tuula po netompelo lyokutya aniwa oto lesa iifo mbyoka tayi ya sheke.

Oshifo otashi tuulwa po, kekakunya inali tala mo ngaa nando, okutala wo tuu ngaa nando omathano. Onke ngaa lya uvile kutya iifo otayi ngungutula omahepeko ngoka taga ningilwa oshigwana kokufuta.

Omakakunya ihaga lesa iifo, oshihwepo ku ningwe haku longekidhwa iigongi yaayehe pawiliko lyaakwashigwana yoyene, pamwe hwepo. Shigwana tsikila negalikano nomomvula ndjika. Onkugo yepongo oKalunga he yi tondoka.

Omuhepekwa omukweni

**H.N.Ndagwedhapo
Oshakati**

NDHINDHILIKA: Oshifo shetu Omukwetu ohashi leshwa kaantu ayehe yomuuyuni auhe. Omakakunya nago ohaga lesa oshifo shika, pamwe oge vule nokuli aakwashigwana. Aatiligane nayo otaa lesa oshifo shika. Ihe shika inashi kandula po ethaneko ku ningwe iigongi yaayehe.

Amushanga gwOmukwetu

**OMWA UDIFWA KO EPUKO
NGAASHI NDA LI**

Onda hala ndi popye kombinga yomakakunya oo a shanga mOmukwetu womuJanuali 30, 1988, Epandja 9 omadina avo Jonas Angula, Paavo naShikongo Iyambo eshi tava ti vo ova tila okudja moukakunya fimbo oshiwana shi na omwenyo, shaashi ohashi va lopota koikulo yaSWAPO.

Ngeenge moukakunya ou li mo to hepeke to denge ovanhu ve he na ondjo, oshiwana shamha she ku mono osha fa ashike sha mona onghoshi.

Ame eshi handi shange ngaha opo nda di moukakunya, nde nghi na ne eshi nda ningwa ngaashi to ti ova tila okudja mo u dipawe. Ku na eshi to ningwa, dja mo.

Ame paife ondi li nawa shaashi ondi na ookaume nda li nde va kanifa. Naame eshi nda li nda udi-fwa ko epuko keembulu, osho ngoo nda li hai ti osho. Fiya po utale ovakolonyeki ovo u tale nee ngeenge ito manguluka.

**Wanengena Nekomba
Oranjemund**

Om ulongi ta lalakanene ovahongwa va pite oyout lihepekele oilonga yaye. Oyout ta hoolola shili oshilongwa e shi shi noku shii nokutya ote shi longo ovanhu va pite. A manguluka ko koimaliwa oyo ha kwata komwedi.

Ame omulihongi mongudu onhimulongo moCollege yaNgwediva ndele ohandi shi popi sha yela, kutya ehongo lounona vOvawambo onghee ngoo li li moukoloni wovakwashiwana voo vene. Ehongo eli tali yandjwa kuAcademy ola konekiwa nale, kutya oko okuxwa ominghoka komilungu nokweeta ohole yoimaliwa oyo tai di ashike moule weedula mbali konima yokupita ohetatu.

Ohandi kumwa omuhongi a pita mOngwediva e na odjapo youhongi ndele koilongwa yOmatilika okwa pita ko ashike Omwaalu oo a shangelwa ko kumukwao, yee ota ka longa Omwaalu kohetatu osho.

Eshi tashi ka shikula ko edopo longudu onhihetatu unene tuu Omwaalu Naashi luhapu otashi ka yandjelwa ounona eembei. Hano ndi shi ulike sha yela kutya hamolwaashi Ovawambo ve he shii Omwaalu ndele omolwehongo lOmwaalu olo la puka tali di kovahongi.

Onda hala okutala omaupyakadi omukalo oo we ya po pahongo hano System ipe kutya oukoloni tau tulwa koukoloni. Omuhongi e na odjapo youhongi ite ke lihepekela nande oilonga yaye a fa ou e he na omolwodjapo yaye oyo ta fulilwa komulenge. Hano o ECP ei i li mOngwediva inai wana nande okulonga nande oyo Standard 3.

Itandi itavele nande omunhu e na odjapo youhongi yee ke na Omatilika a longe nawa e dule ou e na Omatilika aeke.

Ngeenge handi popi Omatilika, onda diladila omunhu u li moipundi. Hamatilika oko (Nasionale), ngaashi a konekiwa nawa. Omatilika oo ile oilongwa y ngudu onhimulongo oyo muo hamu holoka etimba lokulishangela ko.

Omukulunhu wehongo onawa ngeenge to tale o (System) yoye komapulo aa. Omulongi ngeenge oku na odjapo youhongi yee ke na oilongwa yongudu 10, na longe? Omulongi ngeenge okwa li mongudu ya-xuuninwa youhongi ndee ta dopa, na honge ngoo? Omulongi e na oilongwa yomulongo yee ta dopa ouhongi, ongahelipi mbela? Omuhongi a dopa ouhongi wotete naye na longe ngoo?

Fiyo onini ouhongi ou tau kala u na omwenyo? Otawo longo fiyo onguo onhingapi? Velipi va ufilwa va longe keeSekondere? Velipi tava longo Omwaalu kongudu onhihetatu? Velipi tava longo eePhyiscal Science, Business, Economics noTyping?

Ava va shangelwa kuvakwao? Ile ova va ninga etemo?

Valihongi amushe mu li mostanda 10 ohandi mu indile mu ha kendabale nouhongi ou u li omu mOngwediva, ndele mu lalakanene omaifano oo taa wapalele moshiwana.

Ovalihongi amushe novahongwalongi moCollege yaNgwediva, ohandi mu kundu. Ohandi mu halele elihongo liwa unene ngeenge tamu kendabala mu shiive elaka olo li na omungo (Oshiingilisha) opo mu shiive okupandifa nalo elihongo leni.

**Tangeni Lungameni
Ongwediva Training Centre**

**HOLA MUKWENI NGAASHIKA
WI IHOLE MWENE**

Omolwashike tatu gandjathaneni momadhengo nomomadhigapo? Omolwashike momagumbo kehe

Tala kemandja tali landula

Ova shangela nge tava ti

esiku otu na oontamanana? Omolwashike aanona yetu taye tu londoka? Omolwashike omagumbo getu taga teka po? Omolwashike oondjokana tadhhi yonuka? Omolwashike aalongwa ye na omayeme noontamanana pokati kaalongi naalongwa?

Aasita yomagongalo kaye na ombili naakwane-gongalo. Ohole otu yi neni tuu; hola mukweni ngaashika wi ihole mwene? Omutiligane nOmuluudhe ombwa nokambishi, ye omuluudhe nomuluudhe omukwawo okaandje noshikombo, yo ayehe Aanamibia. Uunake ano ohole ndjino tayi yi miihlonga? Uunake ano tatu tameke okuholathana?

T.Andreas

OUKAKUNYA ITAU POPILWA

Apa onda hala ndi nyamukule paxupi kombapila yaNalimanguluke T.Gideon mOmukwetu weti 15.9.87, omo ye ta popile oukakunya, yee ta luku Swapo omukomonisi nota yandje oushima koo-tatekulu Maharero, Witbooi, Mandume nosho tuu, eshi vati va efela omutondi moshilongo.

Kelipopilo kutya ovanhu vahapu eshi va ya moukakunya omolwaashi inava mona eputuko lopapolotika (political motivation) otashi etele nge elimbililo kutya okwa diladhilwa shike nepukululo lopapolotika.

Omakakunya pwilikineni nomalenga avali okOukwanyama udeiko! Namibia oye meme yetu. Ombulu omu oi li mo kondje yoveta. Oyo naanaa omuponokeli omhote nongangala ya dja kombada yaOranje, ndee tai ya i kwate memeNamibia keenghono.

Omakunya, omalenga novalanduli vao, paife eshi tamu vatele eembulu otamu kwata naanaa meme Namibia komaulu nokomaoko, yee omuponokeli SA (mbulu) ta longo oilonga yaye youkolokoshi. Oififahoni oi fike peni?

ONDA HALA NDI YELIFE OUNIMA VAMWE PAXUPI

* Namibia oli na okumanguluka nande onoudjuu shili.

* Namibia kali na fiku nali ka mangululwe komakakunya nandenande. Swapo ota lu oita opo a mangulule Namibia.

* Swapo haye a hala oita, nomolwaasho ota pula ehoololo lopambili la manguluka omo novalaule tava hoolola pakatokolifo 435, ndele eembulu (SA) inadi hala.

* Omunamibia keshe okwa teelelwa opo a ha ame kombinga yomutondi yomukolonyeki okufinika oshiwana noku ya emanguluko laNamibia moshipala.

* Oshiwana inashi hala omakakunya a xupe ko kexupifo, osha hala ashike a efe oilonga yao oyo tai mange, tai a shekifa, notai lelepeke oita muNamibia. Eembulu odi tonde omulaule nomakakunya paife okwa tonda ovalaule vakwao.

Pandakola Ipuleni Oshakati

Ongeleki nai udifile mOradio

Onda hala okutya sha kombinga yekondjifafano olo li li po, kutya eudifo olo hali ningwa paradio Owambo, otali twikile ile otali xulifwa po.

Ame mwene ohandi ti eudifo kali shi ku xulifwa po, osheshi otashi dulika shi ka lye vahapu ondjala yopamhepo. Eudifo nali twikile pavilikilo lEleloungeleki. Eudifo nali twikile noku he na okuhenuka otekisti oyo tai udifwa, kutya nee otai udifwa ya kwatafana noinima ya pambafana noiningwanima yopaise ya pamba epangelo.

Ashike ngeenge oku na oinima imwe tai keelwa moRadio i ha udifwe, nonande oya kwatafana notekisti, nena opo ope shi ku talwa. Naku udifwe tu ha ka pulweni omwenyo womunhu.

M.Kaanduka

E he ku lombwele ke fi woye

Onda hala okunyamukula koshipopwiwa sha holokele mOmukwetu waNovomba 30,87 Ino denga eehombo omitwe kumwe.

Kaume epukululo loye oliwa lela, ashike ohole yokulihola mwene mwoove oiyadi mo unene, ofimbo yoshiwana ishona!

Nomatumbulo manini ou na ashike ohole yomukulukadi woye, ofimbo ku na noundjolowele woshiwana shoye! Nakwaanda pashipopwiwa shaye, ngeenge omunhu to shi tale nawa, okwa fa ta londwele oshiwana, ngaashi ta ti: Port Naloth oya ninga oshihakanwa kOvalange, onde lineekela naye mwene okwe li kwatela mo.

Ndele kombinga imwe ina hala kutya kaimba Ovalaule aveshe, ndele okwa hala ashike a pukulule oshiwana osho hashi i koPort Naloth okulanda nokulihafifa, ngaashi wa tonga kutya elalakano lokuya ko lavahapu oku ka landa oinima yavo.

Ndele to twikile ko to ti "ihadhi ima di he na oipele", fye oipele oyo nee inatu hala moshiwana. Otwa hala aveshe va lande nokuya muvakwao. Onghee ino uda nai koshipopwiwa shaNakwaanda ota, kwafele oipele, osheshi konhele oyo tuu oyo oku na ovakainhu ovo ve li "moluhondelo" li nyanyalifa, mo omo tamu dulu okudja omikifi ngaashi Aids.

Omolwaashi, Nankwaanda ondi wete, ile ohai mu yekeke ongomumenhu oo e na ohole 'yopapatrotic' e hole ovanhu voshilongo shaye. Hapo naave ou na ngaa okauyelele kombinga yeehombo, ashike ou ka wetele kokule, shaashi ohombo oshinima shovanhu vavali, hano omukulukadi keshe oku shi omushamane waye, yoo oshili ihai hondama, onghee eteko leehombo mwaashi haunene.

Kombinga imwe oshilipipo shiwa, eehombo di li kumwe ile oshiwana shi li moluhaelo omo tashi dulu okukufa mo omikifi? Hano Nakwaanda okwa londwela, shaashi da londoka ihadi i oita. Vali tala, oshipango shohole; Hola mukweni, ngaashi u lihole mwene. Hano oipele nayo otai telelelwa kaume.

Washili Oranjemund

OSIKOLA YUUSITA MOVENDUKA


Osha leshwa miifonkunana kutya aalongwa 145 oyi inyolitha nale mosikola yuusita ndjoka ya dhikwa omumvogo kepangelo mOvenduka. Etameko lyootundi aniwa 13 gaApilili numvo.

Ehokololo otali ti itaku talwa elongo lyongeleki yomulongwa ngoka ta taambwa nenge epopilo lyOngeleki ye. Eitaalo lye mwene oye mu gwanena oku mu taambitha.

Ongeleki oonene moshilongo odha adhika dha pangula edhiko lyoseminali yoludhi ndoka moshigwana, inayi kankamekelwa keitaalo lyontumba. Omukalo ngoka ogwa gandja omalimbililo koongeleki, unene dhaaluudhe, kutya ugu na elalakano lyokupiyaganeka uukwangeleki waagundjuka noku ya sikumudha okukondjitha aamwayina mboka yi itula mekondjelomanguluko lyoshilongo shawo.

Ongeleki OnkwaEvangeli paLuther yaAaluudhe mUushimba (ELC) oya adhika wo ya gandja elondodho kiilyo yayo, nokutya itayi ka longitha nando aanashilonga ya tekulwa mOseminali ndjoka.

Sebulon Ekandjo



Aakali yomOwambo ethimbo kehe otaa umbilwa oombapila dhopropaganda moondjila nomomikunda. Ethano ndika olimwe lyoombapila ndhoka, lyu umbwa mondjila yoteya pokati kOshikango nOnda-ngwa eti 8.4.1988.

UUNASIKOLA — UUNASIKOLA — UUNASIKOLA

Ehanganotumo lyaanangeshefa aakriste muNamibia (ETAAN) otali hiya aalongwa yane (4) keilongo miinima ya yooloka.

1. Aailongi yaali otaa ki ilonga uusindi (Architect)

SHOKA TAA PULWA: Naa kale ye na nale onkatu yo B.A. moshilongwa shoka (architect) nenge oDiploma.

2. Aailongi yaali okombinga yuuteku woondjuhwa noombaka (POULTRY), oku dhi panga noku dhi landitha po.

SHOKA TAA PULWA: Naa kale ye na STD. 10, ye egulukila mouniveesiti (with exemption)

Omaindilo agehe nomapulo guuyelele naga tumwe mbalambala kuAmushanga gwaETAAN.

P.O.Box 102, Tel.194
Ondangwa 9000

Ehiyo kOkersesa yomusiki

Ombelewa yomusiki mu ELCIN, otayi hiya kokersesa yomumvo gumwe 1989.

ELALAKANO: Okudheula aawiliki yomagongalo momusiki yopangeleki.

SHOKA TASHI PUMBIWA: Omwii-ndili na kale e na onzapo yuulongi nenge onzapo ombwanawa momusiki. Na kale wo e na epopilo lyomusita gwaandjawa.

EHALA: Ongwediva yigongi ya ELCIN

ETHIMBO: Omumvo aguhe, esiku kehe miipundi.

Omaindilo agehe naga thike mombelewa yomusiki manga 15 gaJuni 1988 inaaga pita. Omapulo agehe naga ukithwe kombelewa yomusiki:

P/Bag X5505, Oshakati, 9000
nenge kuTuovikaarina
P/Bag 2015, Ondangwa
9000

Omafudho ga SWA ga kolekululwa ishewe kepangelo lyopokati

- 1.4 = Esiku lyaPaasa
- 4.4 = Esiku etiyali lyEyumuko
- 1.5 = Esiku lyaanillonga
- 12.5 = Elondo lyOmukulili
- 3.10 = Esiku lyomahaleloyambeko
- 10.12 = Esiku lyuuthemba womuntu
- 25.12 = Okrismesa
- 26.12 = Esiku lyaanegumbo

Kakele kesiku lyaanillonga nolyOkrismesa, uuna esiku lyefudho lyi itu mOsoondaha, nena efudho otali undulilwa kOmaandaha.

OU SHI SHI TUU OMAFUPIPIKO NGAKA?

- DELIC = Deutch Evangelical Lutheran Church
- ELCSWA = Evangelical Luth. Church in South West Africa
- CCN = Council of Churches in Namibia
- UELCSWA = United Ev.Lutheran Church in SWA
- ELCIN = Ev.Luth. Church in SWA/Namibia

Ya dhigininwa natango

- 1985 Amutenya Ashipala, Okatana
- 3.4.1987 Martina Mulondo, Katima Mulilo
- 3.7.1987 Abner Shikesho, Okamule
- 7.10.1987 Jason Angula, Windhoek
- 26.9.1987 Edward H.Haipito, Okatana
- 14.1.1988 Ananias Uutoni, Othika
- 17.12.1987 Josef Dumeni, Singela
- 20.1.1988 Lukas Nghipandulwa, Ponghofi Sec. School
- 19.1.1988 Daniel Ismael Namwandi, Odibo
- 19.1.1988 Julius Kapuka Okatale, Odibo
- 20.1.1988 Delfina Abraham Okatale, Odibo
- 19.1.1988 Shipandeni Mupolo, Onyaanya
- 1988 Shipanga Shivute Ampole, Uukwaluudhi
- 19.1.1988 Johannes Nekongo,
- 20.1.1988 Immanuel Shivolo, Okando
- 20.1.1988 Salom Uusiku, Okando
- 21.1.1988 Ndipala Nghiyalahamba (60) Odibo
- 26.12.1987 Silas (Kamule) Kandenge, Okahao
- 14.1.1988 Gideon Kampulu, Ogongo
- 20.1.1988 Heikki Shililifa, Nakayale
- 19.1.1988 Jason Shikomba, Oshimwaku



Eso

Omanga ga li 29.1.1988 mUukwaluudhi mOshilemba, Kalunga okwi ithana mo Tatekulu Petrus Ishwanga Kandanda (59). Okwa thigi po oyana naamwayina, satekulu naatekululwa. Eimbilo 630:6-7.

J.Mbute Shoombé
Arandis

~~~~~

Megongalo Onaanda Uukwambi 1.3.1988 Eino Nakuumba, ombaadhilila. mepipi lyoomvula (36) Eimbilo 630

Naftal Nakuumba  
Swakopmund

~~~~~

Titus Taapopi Ipinge 27.2.1988 (56). Okwa thigiko omuselekadhi naanona 7.

Titus Taapopi naAbner
Ileka Ipinge
Mwaala Sec.School

~~~~~

Tate Petrus Angomo Uusiku (73) 12.3.1988. Okwa thigi ko omuselekadhi, noyana 11, naatekulu 40 Fil.2:7-9 Eimbilo 388 (mOmambilo).

Paulus P.A. Uusiku  
Gumwe guomoyana

~~~~~

Otatu pandula saholike amuhe mwa li mwa tondoka onkugo noku tu yakula moshituthi shahugunina sha-Abed Shilongo Shaanika, ngoka a hulithile mo 8.3.87. Kalunga ne mu pe ishewe oonkondo Pa.46:).

P.Niilwa Shaanika
Onambala Comb. School

Kuku Aini Katoko 5.1.88 (90) okwa li e na oyana yaheyali, satekulu (45), satekulululwa (33)

Victoria naRosalia
Iikokola - Elombe

O M U K W E T U

Oye oshifo shOngeleki Onkwaevangeli paLuther yomuSWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekandjo.

Ondando yOmukwetu muNamibia naSouth Africa R6,00 komumvo.

Palwe muAfrica R10,00 nokombanda yomafuta R14,00 komumvo. Mondhila R17,00.

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa, 9000.

ELOC PRINTING PRESS
PRIVATE BAG 2013, TEL. (06762) 11, TELEX 56-3257 WK
SWA/NAMIBIA